

中華郵政總局特准掛號認為新聞紙類

中華民國九年八月十七日出版

京  
北  
公  
報

第一百五十期

星期二

公報處啓事 啓者本報現因紙墨漲價印刷價格日增原定報價過廉虧欠甚鉅特將  
價目表另行改訂現已呈奉

尹堂批准自一百四十五期實行以便計算  
其預行繳價定閱在前者概免補繳此啓

# 京兆公報第一百五十期目錄

命令

大總統令

本公署公牘

京兆

呈大總統呈報中國紅十字會京兆分會辦理災賑情形現在京師東

北各縣受災尤重應請急予設法文

公函中國紅十字會京兆分會准交通部函稱救護隊馳往武清涿縣

等處救濟難民所用車輛應由路局核收半價文

公函交通部請轉飭京漢京奉兩局免收紅十字會專車半費文

公函二十縣知事本公署訂定各縣臨時保衛聯絡軍民辦法茲更◎

補充辦法六條函知查照轉飭一體通知文（附辦法）

訓令昌平縣知事據視學員張鶴浦報告視察該縣地方學務情形節

抄報告令仰遵照切實辦理文

訓令順義縣知事據視學員張鶴浦報告視察該縣地方學務情形節

抄報告令仰遵照切實辦理文

訓令北運河務局局長據呈報本屆該河兩岸工完日期仰將動用款

目造冊送部備核文

目錄

訓令密雲縣知事據視學員張鶴浦報告視察該縣地方學務情形節

抄報告令仰遵照切實辦理文

訓令涿縣知事據視學員劉繼勳報告視察該縣地方學務情形節

抄報告令仰遵照切實辦理文

訓令二十縣知事鈔發咨（財政、司法）部請沿用八年度預算並施行高檢廳

令飭認狀各費不准增收截留各節原稿令仰查照文（附抄咨）

批鄧鵬等呈請將新集紡紗公司與利生生大兩廠合併文

批武清人傅寶善呈爲嚴秉浩挾嫌闖宅捆打等情文

批田澤霖呈爲楊春全結黨抗傳扣留法警請令通縣將被告原警飭

令回縣訊判以重管轄文

批王太素等呈請將承領淄台荒價餘數一萬七千元展限於六個月

繳清文

批劉永福等呈請准仍按原估路線修墊文

批楊春泉呈爲莊道變遷惡鄰吞產等情請飭會查文

批王占甲等呈爲駐鎮西路警備第二隊副隊長高凌漢保商民請

保獎勳章文

批香河民蕭桂榮等呈爲王登瀛悔過請准插班各校文

批宛平人盧書奎陳訴前順義唐知事不當處分侵蝕稅款文

目錄

批王家駿呈興修馬路侵占民地損害青苗請令退讓文

京兆警備隊總司令處公牘

宣佈盜犯王永旗王榮山罪狀文

宣佈盜犯金二邦罪狀文

報告

視學員劉繼勳視察涿縣學務情形報告書

# 大總統令

大總統令八月三日

京

兆

公

報

政黨爲共和國家之通例約法許集會結社之自由安福俱樂部具有政黨性質自爲法律所不禁年餘以來迭據各省地方團體函電紛陳歷舉該部營私誤國請予解散政府以爲黨見各有不同自可毋庸深究乃此次徐樹錚曾毓萬等稱兵搆亂所有參預密謀籌濟餉項皆爲該部主要黨員觀其輕弄國兵喋血畿甸肆行無忌但徇一黨之私雖荼毒生靈貽禍國家亦若在所不恤是該部實爲搆亂機關已屬逾越法律範圍斷不能容其仍行存在著京師衛戍總司令步軍統領京師警察廳卽將該部機關實行解散除已有令拏辦諸人外其餘該部黨員苟非確有附亂證據者概予免究其各省區如設有該部支部者並著各該省區地方長官轉飭一律解散此令

大總統令八月四日

本大總統就職伊始有鑒於佳兵之不祥以保國安民爲主旨涵容隱忍兩載於茲欲以區區誠心融化各方之意見遂不惜委曲遷就而從事調和乃一黨專制激起政爭政爭不已繼以兵禍操戈同室喋血近畿心之所期適與事實相反假令制馭有方亦何至有今日之橫決竟使士兵暴骨商民塗炭孰爲爲之孰令致之以釀成混棼之局反躬循省疚悔何追況民國擾攘屢矣本大總統懲前軫之失懷後車之戒乃不私徇一黨而卒無以弭黨禍不私置一兵而卒無以弭兵爭不私用一人而朋比把持者轉得有所牽掣厲階爲梗較諸前

命令

二

所經過殆又甚焉是皆見事不明臨機不斷初不料以寧靜而召亂萌德薄才疎奚庸自諱繼茲國勢凋敝來日益艱因果相尋至可悚息所願邦人君子一以悔禍爲心納之正軌崇國家之威信解時局之糾紛人皆有自省之心斯世少競爭之患爲國爲民百端待理凡我有衆其共勉之此令

大總統令八月五日

審計院副院長許士熊學識淹通持躬清正久歷中外克勤厥職比年贊襄計政尤著才猷蘊遼聞殊深悅一惜著給予治喪銀三千元派王瑚前往致祭並交國務院從優議卹以示篤念賢勞之至意此令

大總統令八月五日

任命趙椿年爲審計院副院長此令

大總統令八月五日

全國經界局總辦曾宗鑒著卽免職此令

大總統令八月七日

據江蘇督軍李純電呈王揖唐遣派黨徒攜帶金錢勾煽江蘇軍警及緝私各營並收買會匪攜帶危險物散佈揚州鎮江省城一帶以圖擾亂均有確鑿證據請拿交法庭懲辦等語王揖唐經派總代表職務至爲重要乃竟勾煽軍警多方圖亂實屬大干法紀除已由國務院撤銷總代表外著卽褫奪軍官暨所得勳位勳章由京外各軍民長官飭屬一體嚴緝務獲依法懲辦此令

大總統令八月七日

前以安福俱樂部爲搆亂機關業有令實行解散籍隸該俱樂部之方樞光雲錦康士鐸鄭萬瞻臧蔭松張宣或多方搆煽贊助奸謀或淆亂是非潛圖不逞均屬附亂有據着分別褫奪官職勳章一律嚴追務獲懲辦其餘該部黨員均查照前令免予深究務各灌磨砥礪咸與更新此令

大總統令八月七日

邊防軍第一師師長曲同豐第三師師長陳文運第九師師長魏宗瀚第十五師師長劉詢謙威將軍張樹元於此次徐樹鈴等稱兵近畿甘心助亂以致士卒傷亡生靈塗炭均屬罪有應得曲同豐陳文運魏宗瀚劉詢張樹元着卽褫奪軍官軍職暨所得勳位勳章交陸軍部依法懲辦以伸軍紀此令

大總統令八月七日

司治獨立爲法治國之恆規顧欲保持其獨立之精神一在法官咸循矩矱不以黨系而有所重輕一在長官各守範圍不以職權而妄加干涉吾國改良司法粗具規模更非淳厲其精神何以厚植其基礎應責成司法部通飭京外法官自奉令之日起無論何種結合凡具有政黨性質者概不得列名其已列名黨籍者卽行宣告脫離仍由部隨時考察如敢陽奉陽違立予分別懲處並令行各該管長官除依照法令規定得行使監督權外所有審判案件不得違法干預該部爲最高司法行政機關尤應力加整飭以資表率總期無偏無黨不屈不撓於以鞏固法權宣通民隱用副本大總統尊重法治之至意此令

大總統令八月七日

財政部呈浙江財政廳廳長沈爾昌因病呈請辭職沈爾昌准免本職此令

第

一百五

期十

大總統令八月七日

調任陳昌穀爲浙江財政廳廳長此令

大總統令八月八日

任命王賢賓爲察哈爾財政廳廳長此令

大總統令八月八日

教育爲國家要政前以經費支絀亟應備設基金明令交部籌辦茲據教育部呈稱華俄道勝銀行股息原係專作教育經費請明令將此項股本定爲教育基本金等語應卽准如所請辦理其關涉路權事宜仍歸交通部主管以清權限此令

大總統指令第一千九百一十六號八月五日

令京兆尹

呈報中國紅十字會京兆分會辦理災賑情形現在京師東北各縣受災尤重應請急予設法由  
呈悉交內務陸軍兩部分別查核辦理此令

● 本公署公牘 ●

呈 大總統呈報中國紅十字會京兆分會辦理災賑情形現在京師東北各縣受災  
尤重應請急予設法文七月二十九日

京

兆

公

報

呈爲呈報中國紅十字會京兆分會進行程度並所辦災賑大略情形恭呈仰祈鑒核事竊京兆尹前因近畿戰事發生京兆區域被災最重經會同地方官紳組織中國紅十字會京兆分會趕辦救濟事宜業將經過大致兩次具摺呈鑒在案該分會於七月十五日成立商准中國紅十字總會認可自行依式刊刻圖記文曰中國紅十字會京兆分會圖記同日啓用並經到會會員公推稅務處督辦孫寶琦爲分會會長達爲分會理事長其餘各項重要職員亦依次推定現計入會會員共有九十七人已募賑款截至七月二十八日止共收現洋一萬三千一百六十一元票洋四百九十五元其各縣應行分設之臨時事務所經地方官吏紳董熱心贊助或事前已有準備或事後急事維持陸續報成計有良鄉縣琉璃河涿縣西仙坡通縣城廂固安縣城廂武清縣楊村安次縣城廂昌平縣沙河鎮等八處此該會開始以來進行之情形也至辦理救濟程序則分三路出發以良鄉之寶店鎮琉璃河涿縣之松林店及涿縣城廂爲西路大興之黃村宛平之龐各莊榆垡固安城廂及固安北鄉一帶爲南路安次之廊房武清之楊村一帶爲東路每路各派會員二三人或四五人不等計西路出發二次南路出發三次東路出發三次所見災情則凡遇戰或被兵各村大抵戰前苦於支應戰後苦於搶掠田禾廬舍財物牲畜所過無全老弱婦孺飢餓流離不堪寓目經即將所攜米糧銀錢先儘情形最重者酌散臨時急賑其有被流彈誤傷及侵染暑症者並偕往醫員分別施醫給藥一面兼將暴露屍體從事掩埋現正組織續發人員力求推廣並由京兆尹急令各縣知事普遍調查以期通盤妥籌計款匀配此該會經辦災賑以來前後之大略情形也迭准該分會函報前來事涉民隱宜於急聞謹爲據情呈請大總統鑒核訓示再現在京師東北各縣受無所歸屬軍隊之蹂躪過於戰區較之散伍潰兵尤難收拾應請

公 聞

大

急予設法並以附陳謹呈

大總統

京兆尹王 達

第

公函中國紅十字會京兆分會准交通部函稱救護隊馳往武清涿縣等處救濟難民所

用車輛應由路局核收半價文七月三十日

一  
逕啓者准交通部函稱以貴會因武清縣及涿縣境內發生戰事分派救護隊馳往楊村及松林店等處救濟難民掩埋屍骨各節准予按照運送賑濟減價條例辦理已飭京奉京漢兩路局屆時接洽核收半價現款分別備運等因准此相應抄錄原函函請貴會查照辦理此致

中國紅十字會京兆分會

公函交通部請轉飭京漢京奉兩局免收紅十字會專車半費文七月三十日

十  
逕啓者接准函開以中國紅十字會京兆分會分派救護隊馳赴涿縣武清境內之松林店楊村等處救濟難民掩埋屍骨已分飭京漢京奉兩局接洽備運所有車租票價准照賑濟減價條例核收半價現款等因當經函知該會去後茲據覆稱此次戰事災區頗廣辦理賑濟等項需款浩繁專特臨時募集已屬杯水車薪前因路未售票非專車不克通過事屬通融情關慈善仍希轉請交通部免予收費以資救濟等因前來查該會臨時成立募款維艱本月二十一日所用車輛原係一時權宜之計嗣後交通恢復自應照章辦理爲特函請大部格外維持轉飭京漢京奉兩路局免收前項車費以維善舉實紹公韙並希見復此致

期

百  
五

交通部

公函二十縣知事本公司署訂定各縣臨時保衛聯絡軍民辦法茲更擬補充辦法六條函

知查照轉飭一體通知文

八月八日

逕啓者案查本公司署訂定各縣臨時保衛聯絡軍民辦法各四條業經函知查照辦理在案茲以各處時有發現遺兵情事特更擬定補充辦法六條仍本前意略事增加藉求完備俾赴機宜另由本公司署印就防治盜匪保存器械布告兩份一併函知查照轉飭一體通知附發布告  
張並望分別張貼是為至要此致二十縣知事

附辦法

京兆沿鐵路各縣臨時保衛辦法

- 一 遇軍隊經過或駐紮時如有購買軍食軍用必需之物品或雇用車輛等事縣署應督辦商會或地方紳董與該軍官長接洽以免軍隊與人民直接易生誤會倘所發官價與市價有不符時倣照前次辦法由公司署核實量予補助
- 一 設有戰事應擇戰線外重要村鎮調集本縣保衛團警察並商調附近駐紮之本公司署警備隊設卡稽查執行左列之職務
- 甲軍隊如有臨時需要聲明本地供給力量婉與交涉並將交付地點預行訂明
- 乙遇有退出戰線零散隊伍有官長帶領者與官長交涉相機應付無官長者得先將其武裝保存酌給

川贊

公報

公牘

八

丙若有匪徒乘機搶掠得由各縣商同駐在地警備隊官長協同拿辦按照懲治盜匪法施行法第四條

辦理

一 所有警察隊警察保衛團務令一律常著制服免生軍隊疑惑

一 本公司署有與軍隊協訂聯絡軍民感情辦法四條一併發交應照所訂各項事理妥慎接洽照辦

京兆沿鐵路各縣臨時保衛補充辦法

一 凡擇定重要村鎮已有土圍者均應修補完整由調集軍警團丁瞭望護守其尙無土圍地方並應於出進道口挑挖壕溝深約二尺餘長任其便即以壕內之土築作溝沿令警丁在內輪流防守

一 所有擇定集守各村鎮附近各村人民如有投赴避亂者均應設法收留

一 各集鎮地方除軍隊如有臨時需要量力支應外遇有潰兵經過亦應派人妥為接洽勿令入村如有必需食品由紳董會首接洽以免滋生事端

一 凡無官長帶領之少數潰兵應設法勸令解除其武裝或即備價收買

一 遇有軍隊遺棄器械子彈馬匹等軍用品應一併送交就近警所保存或登記俟事後聽官廳處分如有匿不呈報者一經查出或被告發均以私藏軍用槍礮及竊盜論罪

一 所有各處保衛團編練團丁均應應調齊集聽候軍警及首事指揮不准無故抗避致干罰辦守望團丁有需調集者亦同

茲將聯絡軍民感情辦法各事開列於左

京

兆

公

一、近畿一帶連年被災民生極爲困苦務請令飭各軍隊時以軍紀爲重以顧民命

一、倘有軍事發生對於附近各村鎮務請格外保全如能設法預告居民使得遷避戰線以外俾離危險尤  
爲厚幸

一、如需軍食軍用必要物品請與縣署或地方紳董首事妥行接洽務以軍事必需及地方辦到者爲度以免軍民直接發生衝突

一、京兆警備隊各縣警察暨各縣保衛團均有標記爲維持地方治安多有駐紮各村鎮者如在戰線以內請以善意知照退出幸細看標記萬勿誤會如爲醒目起見仍須加作特別袖章亦可照辦

訓令昌平縣知事據視學員張鶴浦報告視察該縣地方學務情形節抄報告令仰遵照

切實辦理文六月十五日

案據視學員張鶴浦查視該縣學務報告到署查師範講習所人數過少續招班時宜設法增加縣立高小國民學校教法未盡精細訓練亦宜注意縣立女子高等國民學校孫教員桂於教法尙欠研求翁朱氏私立國民學校管教合法東小營模範國民學校規模宏敞設備可觀校長學董均毅力熱心深堪嘉尙應由縣設法特別補助以示提倡沙河鎮模範國民學校管教均屬有法白浮村國民學校鄭家莊國民學校形式內容較前皆大有進步白水窪國民學校規模頗好以上四校教員趙東藩張進武張宗達校長程受榮均傳令嘉獎馬池口模範國民學校管教均可教室操場尙宜擴充西平府西貫市興壽三處模範國民學校於管教設備均應特別加意以副模範之實商會公立國民學校管教訓練均尚有法茲查屯國民學校改進頗猛深屬可

嘉縣各莊羊坊鎮八口村三處國民學校管訓有方指間尙能回講惟八口村教室宜設法擴充上塘村國民學校教員劉廷楨盡心職務漢文宜加意修養馬連店國民學校教員郭繼先仍應力求改進南門外國民學校七里渠國民學校東營國民學校皆知用教法缺點尙多東貫市國民學校人數宜設法添招西貫市康氏私立國民學校管教尙屬盡心沙河鎮私立育英國民學校由李柳溪自行組織殊屬可嘉應由縣稍行補助以示提倡姜家屯國民學校管教均未合法且該校與景屯合立校址每二年輪流遷徙殊屬不合應取繩私一墊責令二村分立學校上東廊國民學校教員未諳新法宜求改進東沙屯國民學校下東廊國民學校橫橋國民學校豆各莊國民學校皆任事數衍不按定章高麗營國民學校因演戲停課以上五校教員均應傳令申斥并責成首事人認真整頓第一區第一第二代用國民學校雖略具規模應力求改進西貫市女子國民學校設備管教均有可觀該校經費去歲概由創辦人李寶山墊辦應由縣確查數目照捐贊興學褒獎條例呈報核獎以示鼓勵合行節抄報告令仰該知事督同勸學所按照報告各節轉令各校遵照辦理仍將辦理情形由縣呈報切切此令

十 期

訓令順義縣知事據視學員張鶴浦報告視察該縣地方學務情形節抄報告令仰遵照  
切實辦理文

六月二十八日

案據視學員張鶴浦查視該縣學務報告前來查該縣師範講習所訓練有法教授尙欠精采務求真切乙種農業學校第一高小學校校長李祖濬楊得馨對於校務皆積極進行殊堪嘉尙第二高小學校設備未全當酌收學費以裕學款城內模範國民學校內容尙好教室未盡適宜縣署模範國民學校設備管教均有可觀

京兆

報

李家橋模範國民學校職教員均任事盡心惟後院駐有警兵應速設法遷徒楊各莊模範國民學校教授未盡得法東府國民學校教具完備教授未合定章城內第一國民學校教員張宏闊雖知要好學識未優第二國民學校應力求進步張喜莊國民學校管教盡心河津營國民學校教法未合北郎中國民學校成績可觀寺上村模範國民學校教法尚欠研究前桑園國民學校管教有法以上二校學生多帶髮辮亟應剪除營爾里國民學校教室宜拆去火坑豹房村國民學校管教均宜改良毛家營國民學校校長王尊賢建築塾欵熱心可嘉馬家卷國民學校校風固陋前郝家疃國民學校於教法尚知研究後郝家疃國民學校管訓教授均應注意前魯各莊國民學校設備管教尚宜改良仇家店國民學校教員張銓管教熱心應傳令嘉獎榮各莊國民學校設備簡陋楊各莊私立第一國民學校尚有秩序私立第二國民學校略具規模漢石橋國民學校溝北村國民學校設備管教均宜加整頓葛代子國民學校管教均有可觀設置未能完備九王莊國民學校教室太狹教法未精河北村國民學校管教尚知注意河南村第一國民學校內容腐敗第二國民學校教員尚實心任事人數太少以上兩校應責成學董校長力加整頓臨河村第一國民學校管訓有法秩序井然第二國民學校形式內容均頗可取後橋村國民學校教員輕於離校應加申儆三四營國民學校管教均有進步楊家營國民學校成績可觀漢文宜加修養軍營國民學校教室未能合用應設法遷移牛欄山國民學校教室教具均宜修理添置縣立女子國民學校教授管訓均宜注意南郎中模範國民學校李史山國民學校中灘營國民學校教授多未合法且教員張瑜馬文選王兆恒均帶有髮辮亟應勒令剪去以資表率合行節抄報告令仰該縣督同勸學所分別轉飭遵照辦理仍將違辦情形呈報備核切切此令

公牘

十一

訓令北運河務局局長據呈報本屆該河兩岸工完日期仰將動用款目造冊送部備核

文七月三十日

前據該局呈報本屆該河兩岸春工完竣日期及驗收相符請鑒核轉請備案等情經據轉 內務部鑒核備案茲奉指令內開悉應准備案仰仍轉飭遵照將動用款目造冊送部備核此令等因奉此合行令仰該局長遵照辦理此令

一 訓令密雲縣知事據視學員張鶴浦報告視察該縣地方學務情形節抄報告令仰遵照

切實辦理文七月三十一日

案據視學員張鶴浦查視該縣學務報告前來查縣立高小學校管教均能認真設置再求完備附設模範國民學校教法尙合宜照章整頓縣立女子高小國民學校張教員蔭壽管教熱心毛教員佩蘭純盡義務均屬可嘉第二高小學校校長學董創建斯校均煞費苦心劉鍾瑛蘇仲泉王硯張英均傳令嘉獎惟內容尙宜整頓第二模範國民學校名實不符應實行整頓燕洛模範國民學校因張姓爭校址地界致碍學校進行應照章懲辦新城國民學校教室操場均欠寬闊清真國民學校較前進步城內女子國民學校設備數用管教盡心太子務國民學校操場亟應添闢西智村國民學校外觀頗屬整齊溪翁莊國民學校人數太少應取締私塾以便添招走馬莊國民學校設備宜求改良王家莊國民學校內容較前進步設備教授再求完善嶺東國民學校學董王仲樸籌款盡心因廟會停課殊有未合不老屯國民學校形勢簡陋教授數衍董各莊國民學校無故曠課教員鄭若箎田毓秀宜加申儆兵馬營國民學校西教室尙屬整齊東教室宜照章整頓朝都莊

國民學校精神渙宣力求振作石匣清真國民學校教授再求切實小營國民學校管教均有未合南省莊國  
民學校管教有法穆家峪東村國民學校教法尙欠研究前栗園莊國民學校學董王本曾何釀泉熱心可嘉  
惟兩級自爲風氣亟應劃一防營國民學校協領何榮耀應傳令嘉獎霍各莊國民學校教室太狹應就該村  
公所稍加修理作爲校舍以便擴充金山莊國民學校教授盡心法欠完密且教室甚狹人數太少均宜認真  
整理久遠莊國民學校教室狹暗污穢應由縣嚴令整頓北省莊國民學校教員王棠敷衍曠職應即撤換以  
免遺誤學童可行黏抄報告令仰該縣督同勸學所遵照指陳各節認真辦理仍將違辦情形呈報備核切切  
此令

訓令涿縣知事據視學員劉繼勳報告視察該縣地方學務情形節抄報告令仰遵照切  
實辦理文八月二日

案據視學員劉繼勳查視該縣學務報告到署查第一高等小學校及附設國民學校校風儉樸成績完全惟  
宿舍應設法添築以謀擴充代用教員傳習所雖程度不齊均尚知勵學模範國民學校頗有模範規模表簿  
亟應添設北關公立國民學校內容尙稱平妥校長徐崑不常到校殊欠熱心永樂村國民學校設備簡陋管  
教無法教員陳瑞章應力求改良張村周氏私立國民學校內容可觀尙莊公立國民學校管教有法校址亦  
佳惟該村公款頗多應由縣查明提充學款以圖擴充北務村公立國民學校教授均欠切實髮辮亦應剪除  
林家屯公立國民學校教員張聯元教授盡心教法稍欠研究南皋店公立國民學校設備完好人數宜設法  
添招張段莊公立國民學校管教有法塔上村公立國民學校管教認真惟教法未能盡合涿同村公立國民

學校形勢足資擴充馬頭鎮國民學校校長蕭桂清任事盡心惟操場過小與毘連空間公地應由縣指令劃歸學校以求適宜里渠寺公立國民學校設備多有未合校內東房亦應收回以免紛擾古城村國民學校教法再求切實刁窩村公立國民學校人數太少應將該村私塾解散免妨學校招生東馮村公立國民學校因廟會散學殊屬不合丁各庄公立國民學校學董教員任事經心成績尙可南關公立國民學校職教員均任事盡心學款地租應酌量增加念頭村國民學校粗具規模張村黃家街公立國民學校外觀內容頗帶朝氣西鹿頭村國民學校管教平安網戶莊國民學校開辦未久成效可觀長溝鎮公立國民學校未脫私塾舊習應認真整理馮村國民學校諸多簡陋忠義店公立國民學校粗具規模大興莊公立國民學校校舍良好四柳樹村國民學校成績優良義和莊公立國民學校訓練尙佳應添籌底款以固根基以上十一校皆課程不全亟應添授松林店公立國民學校教授管理均尙有法校舍爲警備隊佔居應即擇地遷移上坡村國民學校小田村公立國民學校大田村公立國民學校均內容腐敗教員皆思想陳舊任事敷衍蕭元宗王述仁范錫林應即撤換另派教員以資整頓合行節抄報告令仰該縣督同勸學所遵照分別辦理切切此令

訓令二十縣知事鈔發咨財政司部請沿用八年度預算並緩行高檢廳令飭訟狀各費不准  
增收截留各節原稿令仰查照文

八月四日

據財政廳呈覆司法財政兩部咨覆本區九年度預算增列司法經費無法籌補咨部請示一案仍責成本區自籌實難辦到又大興通縣房山等縣請示監所經費是否財政廳已有備領的款並高等檢察廳令飭訟狀各費不准增收截留所有原從增收截留內開支各款如何抵補各節無法擬覆請咨商司法財政各部仍沿

用八年度預算並將高等檢察廳所令各節暫緩實行等情本公署業已據情咨請部議核覆除分行外合鈔發咨稿令行該縣查照此令

附抄原咨

京

爲咨呈事據京兆財政廳廳長李杜芳呈稱案奉鈞署第一二四二號訓令准財政部咨覆京兆九年度預算增加司法經費應由何項開支咨請會商司法部查核會議見覆一案咨稱查京兆司法經費八年度核定三萬九千零二十八元此次本部核編該區九年度預算按照司法部呈准添設廳監分年籌備表列第

兆一年數目增列通縣地方審檢廳經費二萬六千零八十八元又司法部提議將京兆各縣監所經費列入九年度預算經國務會議決照辦計全年增列七萬三千四百七十六元共計增列九萬九千五百六十四元此項增列之數應由責尹率同財政廳體察該區地方情形妥籌辦理其建築開辦兩項經費應即在該區司法收入項下動用至應解中央專款爲中央軍政各費所自出碍難撥補該區司法經費之用除咨司法部外咨覆查照辦理等因令廳查照擬辦具覆續又奉鈞署第一二七四號訓令准司法部咨開查京兆司法經費計九年度預算增加之數甚鉅京兆財政支綑異常咨部於預算提出時會商財政部核奪由何項開支或卽截留京兆應解中央專款以資挹注至各縣監所經費爲司法支出可否由各縣司法收入解部訟費罰金狀費項下以收抵支藉爲彌補統希察核會議見覆等因查九年度司法收入前經會同財政部呈准作爲特別會計專充添建廳監經費不得截留移作他用事關通案京兆未便獨異所有九年度京兆司法經常支出業由本部編列預算咨送財政部彙編在案茲准前因除咨請財政部設法支配外相

報

公牘

應咨覆查照等因令廳并案呈覆各等因正核擬間旋又連奉鈞署迭次訓令先後據大興通縣房山懷柔昌平武清平谷各縣知事呈稱奉京師高等檢察廳第六六零號訓令內開前奉司法部令發新定整理司法收入暨訟狀費各規則業經本廳會同審廳轉發該縣遵照在案查新章所定狀紙價值已改爲銀幣並定於本年七月一日實行所有該縣六月底止餘存未售狀紙因狀面上蓋有加收銅元戳記已不適用應卽繳回從前繳過之原價七成狀費應俟繳到之日核計發還茲由本廳另將蓋有改售銀元數目戳記之狀紙隨文酌發售用應繳全數狀費並應迅速補繳以便彙解嗣後該縣領狀仍照向例預繳狀費派人具領本廳概不郵寄至於各縣從前增收狀費原爲補助司法經費及警學經費而設現在監所經費已編入九年度預算由國庫支給警學經費亦由京兆尹來函聲明停止撥補是前次增收理由已不存在民國三年加費成案自應停止嗣後該縣自本年七月一日起一切狀費應卽遵照部定新章徵收所收費用亦應儘數解部不得截留除分行外合亟令行該縣遵照辦理並仰抄錄訴訟狀紙規則通告訴訟人等一體知悉此令等因並據各該縣旱內聲稱訟狀各費或經停止增收並限制截留所有原由增收暨截留內開支各款應如何撥補並監所經費列入九年度預算是否財政廳已有備領的款請指令遵行各等情一併行廳統籌安議具覆查核各等因遵按兩部咨覆文意於本區增列司法經費預算不敷如何抵補一事仍係責成本區自籌查京兆財政久已入不敷出卽無臨時特別開支及賦稅因災減收之事其不敷之數已及十萬元况今歲京兆各縣蝗旱告災到處皆有又值時局不靖商民恐慌不能安業將來歲收之數能達預算與否已無把握此項鉅款委實無法籌到至高等檢察廳令行各縣將訟狀各費禁止增收並截留一節

東兆公報

未待本區預算抵補有著遽將其固有收入概付減除尤實予各縣以重大之艱困各縣懷疑各節本廳亦窮於擬議之方伏考各國會計行政原理收支之變更必以預算已經成立爲前提而預算之成立又必以收支適合爲通則現在九年度預算通過尙須時日而京兆財政又實有不敷情形必不得已惟有仍照財政上慣例沿用八年度預算對於高等檢察廳所令訟狀各費不准增收截留各節暫緩實行尙可爲一時之救濟可否據呈轉咨財政部暨司法部請求暫准照辦俟由部設法另籌的款將增列司法經費各項抵補有著後再實行九年度預算同時恢復高等檢察廳所令之效力並通令各縣遵辦之處廳長未敢擅擬理合具文呈覆察核施行等情據此查該廳所請沿用八年度預算對於高等檢察廳所令訟狀各節不准增收並應截留各節暫緩實行各辦法事實既迫於無奈理由亦尙有可通本公署覆核殊無以易除分咨司法部外相應據情咨呈

貴部請會商司法部察照本區財政困難情形如請核准見覆至荷維繫再京兆各縣司法行政事宜照民國三年五月內務司法財政各部會奉准辦法應分別呈報京師高等審檢廳長官及本京兆尹查核所有重要計畫高等審檢廳與本公署似均應先經彼此協商此次訟狀各費停止增收並限制截留一案高等檢察廳未經咨會本公署遽令通行致本公署籌措不及各縣紛紛請示無以答覆自問於職權深有未安並請令行該廳知照稍加注意爲此咨呈

財政總長  
司法總長

批鄧鵬等呈請將新集紡紗公司與利生生大兩廠合併文

八月二日

呈及公司簡章招股章程暨合同副本均悉仰候咨呈農商部核辦俟准部復另行示知附件存此批

批武清人傅寶善呈爲嚴秉浩挾姦闖宅捆打等情文八月二日  
呈悉據稱嚴秉浩挾嫌派姪嚴永吉等闖宅扭打應卽親赴縣署呈控核辦至所控嚴秉浩乾沒該民人公債  
票十元一案據該縣知事呈稱該民迄未將收據呈驗無憑查對等情仰卽趕緊將嚴秉浩所出收據呈驗辦  
理母得徒以空文多瀆此批

批田澤霖呈爲楊春全結黨抗傳扣留法警請令通縣將被告原警飭令回縣訊判以重  
管轄文八月五日

呈悉此案昨據通縣民人楊春泉呈訴到署業令通縣咨會三河縣派員會同查勘依法處理仰卽回縣候訊  
母再瀆陳此批

批王太素等呈請將承領溜台荒價餘數一萬七千元展限於六個月繳清文八月五日  
呈悉所稱今年天時已過領荒一事不及進行各節自係實情所有未繳荒價准如所請展限三個月於六個  
月內繳清仰卽知照此批

劉永福等呈請准仍按原估路線修墊文八月五日

據呈已悉該路刻擬暫行緩辦所請改修路線之處俟興修時再行飭委測勘酌核辦理此批

批楊春泉呈爲莊道變遷惡鄰吞產等情請飭會查文八月五日

呈圖均悉候令通縣咨會三河派員會同查勘依法處理此批

批王占甲等呈爲駐鎮西路警備第二隊副隊長高凌漢保衛商民請保獎勳章文八月五日

據呈已悉候善後事宜辦竣再行彙案核獎可也此批

批香河民蕭桂榮等呈爲王登驥悔過請准插班各校文

八月六日

呈悉據稱王登瀛確有悔過實際懇請准其在京兆各校插班以免廢業等情姑予照准候令行京兆各中校查照如該生投考入校仍須認真查看一月果能悔過自新再由師範學校查案補給修業證書呈請咨部備

案仰卽轉知此批

批宛平人盧書奎陳訴前順義唐知事不當處分侵蝕稅欵文

八月六日

呈悉候將訴願書副本令行原處分官署備具辯明書到署再行核辦書轉此批

批王家駿呈興修馬路侵占民地損害青苗請令退讓文

八月七日

據呈已悉業飭工程員按照路線情形查核辦理矣此批

● 京兆警備隊總司令處公牘 ●

宣布盜犯王永旗王榮山罪狀文

八月七日

爲宣布罪狀事案據宛平縣知事湯銘鼐西路司令王國翰呈稱擊獲乘亂搶劫盜犯王永旗王榮山二名請卽核辦等情到處當經訊據王永旗供認曾於民國八年不記月日先後共同逸犯張破肚子等持槍在京兆各屬棗林莊程各莊西莊村斬其營後莊等處迭次強搶得贓分用並於九年陰歷六月十三日前邀同獲犯王榮山逸犯康明王連壁共同四人在宛平縣念壇村西南持刀綑縛事主趙連瑞強搶黑牛一支移時被獲各等情不諱查王永旗王榮山乘兵燹後結伙搶劫實屬目無法紀罪不容誅各依懲治盜匪法第三條第

一款判處死刑並依同法第六條押赴市曹執行槍斃以昭炯戒特此宣布俾衆週知此佈

宣布盜犯金一邦罪狀文

八月六日

爲宣布罪狀事案據北路司令拏獲盜匪金一邦一名呈請訊辦業經訊明該犯金一邦於民國二年間與已正法之黑李六等十餘人各持槍械在采育鎮叫險得贓銀洋一千元又於是年六月間結伙蔡殿庫等四十餘人各持槍械在安次縣西標岱村叫險得贓銀洋三千餘元又於是月間結夥王平安等五十餘人各持槍械搶劫香河縣劉宋鎮得贓洋十數萬分用又於上年六月間結伙蔡殿庫等三十餘人在通縣河東據事主姚姓勒贖得洋一千二百元查該犯金一邦迭次結伙成羣持槍搶劫據人勒贖實犯懲治盜匪法第三條第四條各項之俱發罪應依法判處死刑除執行槍斃外合亟宣布罪狀俾衆週知以昭炯戒此佈

報告

視察涿縣學務情形報告書

視學員劉繼勳

一、教育行政之狀況

甲、縣知事 該縣袁知事辦學雖非所長但知學務之宜重頗能勉爲其難關於勸學所所陳整頓擴充之計畫認真執行八年秋季爲規定各區應添設校數事曾親到各區招集區董及各村長佐學務委員等開會討論進行辦法責成各村長佐認真籌辦本年春季又下鄉查學兩次提倡各校學生納費及剪髮事宜上有好者下必甚焉故能使該縣十數年停頓之學務於此可大見動機計自八年秋季以來增加

新校三十五處而舊有學校之外觀內容亦均見整頓成績已著惜哀知事仁厚有餘而剛斷不足關於因興學籌款起訴者少絕對之主張尙未足振起一班人民注重學務之觀念耳

乙、勸學所 所長茅愷辦學多年老成持重作事穩健勸學員張錫祺果敢有爲不避勞怨解宗虞現因事請假未見作事情形該所員等辦事尙稱合手自八年恢復村捐學款後辦學有資一面整頓舊校一面擴充新校一年間已成立學校九十二處不但規復舊觀實有加增者二十餘校至關於籌備強迫教育事如調查學齡兒童劃分學區規定學數儲備師資等事均能儘先作到足見該所辦事認真

丙、教育股員 該縣現尙未設專員關於學務公事仍歸民政科辦理

丁、巡行教員 巡行教員胡兆祥自八年到差後該縣卽委託辦理代用教員講習所充任教昌業經兩班畢業成績甚優勸學所計畫擬於暑假中再開一次小學教員講習會卽以巡行教員爲講員以傳授管教訓練等法然後再令下鄉巡行示教此種辦法較爲得當蓋巡行教員未實行職務前先得若干受業弟子於將來示教時得力不少也

#### 二、學校教育狀況

該縣現有男高等小學一處女子高等小學一處男女國民學校九十四處以學校形式精神論當以男女高小校暨縣立模範校爲最至各區國民學校雖間有形式優良教授合法者然不可多得也察其弱點一設備不完教具多不數用一師資不良多不明複式教法且專事注入不善啓發一管理訓練多不知注重新法不脫私塾舊習一學款不足各校多倚賴公款補助而不肯自籌的款故學款常虧設備難

求完備一課程多不完全往往兼讀舊書以遷就鄉愚之心理至其優點則各校教室不乏規模合用外觀良好者是則可稱也

### 三、社會教育狀況

第一

甲、巡行講演員本屆尙未到境聞上屆講演尙屬認真

乙、注音字母該縣曾在城內雖設所傳習兩班畢業人數甚少聞只五十餘人各區則尙無辦法該縣於推行注音字母事宜不甚得力也

丙、該縣有閱報所一處在城內南大街有報數種設專員管理常年經費一百五十六元

### 四、經濟狀況

該縣學款收入種類爲地租米租利息煤礦紅利井租村捐地產捐契稅附加學費等項歲入約二萬一千二百零七元歲支約一萬九千九百八十二元本年約盈一千二百餘元查該縣預算案有預備添設國民學校應備補助開辦費洋九百餘元又代用教員講習所尙擬繼續開辦故經費按全年計需款一千四百元較經費支出表所列五百元須增出九百元若本年能照預算實行則實際仍有五百餘元之虧數

### 五、觀察意見

(二) 開辦小學教員假期講習會應於本年暑假或大秋假中舉行即以巡行教員爲主任講員以研究改進管教訓練等法並借以介紹巡行教員與各校教員之感情以爲巡行示教之預備

第五十期

(二) 舉辦觀摩會以引起各校之競進心查各校職教員多簡陋自安非有比較不足激動其向上心故舉辦觀摩會誠不可緩之要圖

(三) 開辦師範講習所以儲備師資查該縣現辦代用教員講習所成績雖有可觀但修業期間過短究不足以資深造且所用經費常年一千四百元實足辦長期師範講習所一班之用應於此班代用教員卒業後即行改辦一年半或一年卒業之師範講習所以資深造

(四) 責成各村長佐一律兼任本村學董凡關於本村學校之籌款招生及籌設新校事宜均令該村長佐等實行負責使知興學爲本村公務衆擎易舉庶免障礙自易進行

(五) 責成七十戶以上村莊一律創立學校一處其較小之村莊附近者或令兩村合一處查無學校各村多有私塾學生納費足資一教員薪水一村村捐足資一校雜費若責成村長佐由公款中另籌出學校開辦費及少許補助款則取消一私塾即可成立一學校去舊更新一轉移間教育可以普及至在有學校莊村之私塾應一律勒令解散以免破壞學校

(六) 調查各村公產公款提充學校經費查各村皆有公產公款而爲交納村捐學警款及差徭之用令學警款只恢復七成差徭則恢復五成則各村所有之公產公款之收益當然盈餘不少應將此項盈餘一律提充本村學款

(七) 支配補助學款應取獎勵性質按照各校人數成績分別等級規定補助以補助爲鼓勵庶幾款不虛糜查該縣在民國八年前鄉校學款統一各校經費純由村捐學款項下支領每月每校約領十四元今者

學校日增學款當然不敷支配而舊有學校五十餘處仍仰給於公款而新校三十餘處之學款則皆就地自籌辦法不平難免將來之衝突且多一學校即減少一村村捐公款日減舊校學款若不責成其自籌此後亦將無以存立莫若劃一辦法令各校學款均就地自籌籌款方法即令學生納費再由本村公會酌籌津貼用縣管學款分等補助每年分給一次或二次則各校之根本既固而主管機關推行學務亦不受學款之限制學務自易進行矣

(八)推廣模範學校以供各校之取法查模範學校現時只有城內一處不足供四鄉各校之參觀且與京兆通行整頓模範令不合應再推廣該縣已規定改組模範地點如一二區之刁窩村三區之鋪頭鎮四區之柳河營村五區之三家店或醬各莊六區之松林店七區之古邱村八區之尚莊九區之西鹿頭等村學校皆具有規模且皆有的款改組模範均稱適宜應趕速籌辦進行俟其改組完全能合於京兆通令整頓模範事項時即定名模範並由縣款優予補助以期辦理完善而備取法